



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 22. Rascianorum Patriarcha, & quidam Turcæ fidem Catholicam
professi.

[urn:nbn:de:hbz:466:1-67627](https://nbn-resolving.org/urn:nbn:de:hbz:466:1-67627)

Sæc. XVII.
A. C. 1696.

§. XXII.

*Rascianorum Patriarcha & quidam
Turcæ fidem Catholicam professi.*

Die sexta Januarii Budensis Vice-
Bassa, qui jam integro decennio *Theatr. Eu-*
Viennæ captivus hærebat, unacum *rop. t. 15.*
uxore sua ibidem Sacro fonte tinctus
a Mahometana superstitione ad fidem
Catholicam rediit, ac propterea a be-
nignissimo Imperatore Leopoldo nobile
quoddam prædium, aliaque Cæsareæ
liberalitatis insignia recepit. Hujus
Turcæ exemplum sequebatur Theophi-
lus Rascianorum Archimandrita seu in
Hungaria, Sclavonia, Transylvania,
aliisque finitimis locis Patriarcha; post-
quam enim Belgrado a Turcis recupe-
rato unacum viginti suorum millibus
sefe Cæsaris patrocínio ac clientellæ
devoverat, die decima octava Martii
haud angustum illius regionis tractum
prope Budam incolendum aliosque fa-
vores pro se, suoque Clero & Ecclesiis re-
cepit: suam vero gratitudinem testaturus,
non modo aliquot suæ Nationis millia
sub Cæsareis vexillis militatura spon-
debat, sed insuper ipse cum aliis eju-
rato schismate fidem Romano - Catho-
licam professus est. Præterea Libe-
rachi Bassa cum fratre suo, totaque

Z 4

fami-

Sæc. XVII. familia ad Venetos transiit, omnesque
 A. C. 1696. præfidiarii, qui in Uranograz & Turo-
 rovo arcibus a Comite Budiano capti
 fuere, unacum suis uxoribus, prolibus
 Baptizati, Mahometis impietatem de-
 testati sunt.

§. XXIII.

*Anceps prælium Cæsareos inter &
Turcas.*

*Wagner
 Hist. Leop
 pag. 313.
 Hode vie du
 Louis XIV.
 pag. 198.*

Dum hæc Viennæ gerebantur, Fri-
 dericus Augustus Saxonæ Ele-
 ctor, qui Cæsareo exercitui cum su-
 prema potestate præfuit, in Hungaria
 collectis undique copiis Temesvariam
 oppugnare constituit, admotisque belli
 tormentis obsidionales fossas versus ar-
 cem promovit: cum autem Sultanus
 trajecto simul Savo & Danubio, urbi
 suppetias ferre festinaret, Elector con-
 clamatis vasis hosti obviam processit,
 prælium tentaturus: Igitur octo lectis-
 simas cohortes selegit, quæ superatis
 obstantibus dumetis obliquum hostium
 latus adorirentur, ac tamdiu pugnan-
 do persisterent, donec universus exer-
 citus in pugnam succederet: Dies erat
 vigesima quarta Augusti, qua Cæsarei
 sexta a meridie hora in Turcas incur-
 rere, atque edita circum multa ho-
 stium cæde, mox ad currule sepimen-
 tum